

Keto bay buscando alternativa pa dump

ORANJESTAD - Bi-aha pasa caba a lanta un comision cu ta encera hendenan cu sa di medio ambiente y cu sa tur e leyman a busca y a señalá un area cu pa nan ta hopi bon. Nos ta biba cun'e pasobra esey a wordo indica como e miho luga.

Awo mester tin e boluntad pa bisa, nos ta bay traha eyman. "Nos di Serlimar ta un organo di ehecucion, nos no ta traha maneho y tampoco ley. Pues ora cu bisa eyman nos ta bay y nos tur ta di acuerdo cun'e ta eyman ta bay, ta papiando di e tereno na Santa Cruz, segun director di Serlimar Richard Fingal. Si mester bin un toro solucion tambe ta habri pa esaki el a agrega.

Dump Gavilan

A puntra sr. Fingal con ta

para cu dump na Gavilan, el a bis cu esaki ta cera pa resto di Aruba. No sa si DOW ta haciendo uzo di dje personalmente pero e ta cera pasobra e ta yen.

Mi no sa e historia completo di Gavilan pues no sa kico ta bay saca unabes cuminsa saca cos for di eyman.

Situacion na Parkietenbos

Cu mi sa tin un persona cu ta biba eyriba di reciclahe, departamento di asunto social lo mester busca un solucion structural pa e persona cu ta biba eyriba cu ta causa problema pasobra si saca su persona awe, mañan e ta bek riba e tereno di un manera of otro.

"Cu e dump di Parkietenbos mester bin un solucion esey ta un mester, nos ta riba dje



y tin otro companianan cu ta riba esaki tambe pues dia dicho proyecto concretisa lo mira con por traha hunto."

Serlimar no ta mira pakico mester tin dos planta cu ta traha riba mesun cos pasobra e isla lo no por carga esaki.

Sinembargo e lo mester ta un situacion beneficoso pa tur partido envolvi, Sr. Fingal a termina. □